



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七〇一

瓊華詩集四卷瓊華詞集二卷 俞廷瑛撰

一

酒五經吟館詩草二卷酒五經吟館詩餘草一卷 恭釗撰

六三

文誠公集十卷（奏議六卷函牘二卷文稿拾遺一卷

詩稿拾遺一卷）首一卷 袁保恒撰

一四九

鷗堂賸藁一卷補遺一卷附周星譽撰傳忠堂學古文一卷 周星譽撰

三八七

因樹書屋詩稿十二卷 沈寶森撰

四一三

梧竹軒詩鈔十卷附賸稿一卷 徐兆英撰

五五七

飲雪軒詩集四卷 楊泰亨撰

七二九

師竹齋主人信札一卷 徐用儀撰

七七九

嶺雲齋詩草一卷 愛新覺羅遐齡撰

七九五

軍中草一卷 黃振成撰

八一九

予於咸豐乙卯編次所作詩今體詩八卷名之曰瓊華集庚申之變罹於兵火厥後流離遷徙轉入戎幕飛書馳檄日昃不遑風雅一途幾若冰炭同治癸亥以署鄞縣丞事由衢州至甯波閱十有三年始還杭州其間存詩無幾追光緒丁丑同人招要入詩社東塗西抹作三五少年伎倆然仕宦不進才亦寢退視昔所編次者有不及無過之矣乃復珍而惜之錄而存之不啻以千金視敝帚者殆孟氏所謂失其本心者歟光緒九年冬十一月吳縣俞廷瑛自識於杭州

詩序

一

鈇

瓊華詩集卷一

吳縣俞廷瑛敘

感事

斜陽有客獨登樓慘淡平蕪入暮秋戰鼓聲沈悲廢壘
炊烟影斷廢荒邱一城斗大開雄鎮萬帳刀明塞下游
但使露章頻奏捷男兒何慮不封侯

降幡未下石頭城十載相持苦戰爭澤國鼓聲思上將
廟堂節鈇重儒生人才有幾能名世天意何時始罷兵
自是大江流不盡英雄餘怒作濤聲

卷一

一

手縮兵符未二年四郊無日不烽煙轉輸自賴蕭何力
守禦誰如墨翟賢從古清流多觸網幾人宦海得歸田
他時倘著黃山屐先訪萊衣五色鮮

身世淒涼似轉蓬何心投筆更從戎儉如蘇季裘多敝
廉似吳寬釜欲空臺閣有人羞仗馬山林無地著冥鴻
酒闌起舞龍泉意合付長歌慷慨中

歲暮書懷

閱歷繁華二十年眼中滄海幾桑田奇才已誤陳琳檄
壯志誰償祖逖鞭臘鼓驚心催歲月鄉關回首隔烽煙

落花何必分茵溷但說飄零總可憐

感懷

已向詩中廢夢我鼓盆還續漆園歌
囊空自愧貧如舊帶減渾疑病有魔
歸去未知何日是愁來只覺此身多
而今合受空王戒莫再長吟倚太阿

夜行奉化道中

一棹衝寒去宵深客未眠月明疑積雪
水遠祇空烟山影歌蓬外潮聲落枕邊
似聞南渡近地名鷄犬漸喧闐

遊仙

卷一

二

丹訣親傳鍊乍成踏雲來往一身輕
自從逃出脩羅劫便向蓬萊頂上行

九點齊烟一笑看芙蓉花下倚青鸞
不知子晉何心緒手把瑤笙立夜寒

銀河一水隔紅牆惜別飛瓊夜未央
難得蕊珠宮畔路伴人還有小蘭香

遊東錢湖

聞說錢湖勝今朝載酒來棹衝雙鷺
起堤挾一虹迴樹色寒雲隱山光夕
照開欲將明聖比只是少亭臺

君馬黃

君馬黃臣馬驪和鸞載鳴雍容威儀
解一君馬黃臣馬白爰馳爰驅爰整鞭策
解二君馬黃臣馬蒼式如金玉永保

壽康

空城雀

高城戢戢空無人有雀有雀鳴酸辛
吁嗟城空粟亦盡但覺饑來不可忍
饑不可忍將奈何溝渠白骨充腸多
折楊柳

置酒忽不樂與君從此辭春風將別淚
吹上楊柳枝楊

卷一

三

柳空有絲難繫征人衣不如楊柳花
千里飛相隨

艾如張

艾而張羅獲禽孔多獲禽既多釃酒
高歌注酒戒其傾取物戒其盈開網布
德澤萬類霑陽春

君馬黃

擬齊梁體

君馬黃君馬良來從西極道路長
龍文虎脊軒以昂黃金絡頭青絲纆
一日能行千里強貌閒氣定神洋洋
嗟哉驚駘敢雁行

空城雀

空城雀常苦饑啾啾唧唧朝亦無所適暮亦無所依借
問梁間燕主人一去何時歸

折楊柳

下馬折楊柳還看持作鞭笑入吳姬肆春風一路妍

艾如張

驅馬出門去射獵南山嶺嚴霜昨夜隕秋草連天黃
矢豈不利網羅亦既張鴻飛寥廓外弋者安能傷

射覆
限侵韻

蠟鐙春酒伴沈吟才調風流忍不禁從製新題緘玉盒

卷一

四

暗拈冷字祕金鍼較如畫鵲難爲的悟到靈犀別有心
應被當年臣朔笑滑稽初不似而今

投壺
限庚韻

酒邊忽聽矢鏗鏘立馬何人技最精花圃畫長分鼓節
竹樓春靜誤棋聲百驍祇覺流星疾一笑偏驚掣電明
今日中興名將滿雅歌誰是祭遵營

掃花
限肴韻

羣芳如蜨怯鶯捎擁帚迴環路遍抄香夢和烟成小別
玉顏絕代忍輕拋碧雲無恙階留蘇紅雨初收徑啟茅

爭似瑤池春色永桃花千歲尙含苞

品茗
限文韻

瓶笙宛轉隔簾聞縷縷茶烟幻似雲落日平臺徵雅集
東風禪榻溢清芬一旗漫作庚辛判三印從將甲乙分
嘗到中冷新汲水瓊漿玉液任紛紛

走馬引

去年走馬南入閩今年走馬西向秦問君走馬竟何意
胡爲馳驅多苦辛君言少年負才氣碌碌羞爲刀筆吏
一腔熱血世莫知願灑沙場征戰地卽今甘涼方用兵

卷一

五

棄繻敢請終軍纓吳鉤三尺誓滅賊國家恩重頭顱
輕寄語元戎容借箸鸛鷺終見雲霄翥功成不必自言
功會泛扁舟五湖去

前有一尊酒行

置酒高堂上勸客客莫辭酣嬉爲起舞慷慨前致詞自
經兵燹來舉足皆險巇但冀脫鋒鏑邊敵悲流離一朝
陰霾散三吳遂清夷擾攘十餘年復覩承平時代馬依
北風越鳥戀南枝曰歸猶未得已慰粉榆思骨肉幸無
恙貧賤分所宜人生貴適意不飲將何爲

門有車馬客行

門有車馬客云是故鄉來攬衣出問訊未語腸先摧吳
趨昔遭兵竄跡深山隈前年馳露布始挈妻孥回荒衢
蹊逕改異物親朋猜圍積瓦礫亭榭埋蒿萊滄桑如
轉轂浩劫有餘灰語罷遽揮手輪蹄渺黃埃迢迢笠澤
湖峩峩姑蘇臺登高望不極雪涕空徘徊

簾波 得香字

玲瓏犀押未禁颺敝出湘文縷縷長塵影不飛深障曲
烟痕欲活淺留香輕捎燕翦風初定低浸鸞鉤月自涼

卷一

六

擬倩通辭還隔面由來銀漢是紅牆

香篆 得簾字

霏霏烟靄繞芸籤波磔分明乍啟籤疑就一規仙解脫
熏成已字佛莊嚴迴文錦展濃芳襲博古鑪開小印添
最是撥灰閒覓句相留未擬捲重簾

悼紅吟 有序

桂卿者四明人也綠珠絕色碧玉小家室侍慈
護鄰依大樹 所居在後市大樹廟側 擲梭客去肯令白璧
沾泥投轄人來頓許黃金躍冶紗將繫臂錦與

纏頭月誓三生雲行一度豈料妒聞獅吼釵竟

輕分憂憐覺起狐疑劍難終合音塵隔矣形影

淒然每當鵲噪蟾飛猶穿望眼無奈鸞飄鳳泊

欲碎迴腸一病懨懨遽醒梅花之夢九原渺渺

莫招桃葉之魂嗚呼僕本狂人生多恨事弔桂

林之黃土別桂福於青樓 均有詩載 芳字適同

悲懷何極緣慳識面早縈平子之愁語出傷心

聊當步兵之哭書之勻碧悼此落紅

銀潢不流蟾彩缺滿地瓊英落如雪暗風颯颯吹鐙青

卷一

七

仿佛有人語嗚咽女兒十七傾城姿問名笑指丹桂枝

羅綺不華絃管賤綠窗自惜駒光馳悄駕鈿車遊陌上

珠輝玉映世無兩頗疑昔日秦羅敷行者坐者各惆悵

五馬何處來使君豪華意氣迥不羣願指參昴作盟誓

寒修一再通殷勤黃金別起藏嬌屋繡幕周圍燦花燭

盤龍光照新上頭羞澁猶看翠蛾燈合歡酒熟漱澀斟

定情詩成宛轉吟雙飛雙宿鳥比翼一話一言蘭同心

芙蓉帳煖春雲膩一宿空桑豈初意劉家婦人興風波

捐扇搗簪等兒戲榴花五月紅易飄蓮花六月香又銷

秋曉轉眼墜金粟此人此樹同蕭條深掩銅鋪病無力
海棠褪盡胭脂色紫釵空費十萬錢依舊并瓶斷消息
噩夢驚魂事事非細腰甘逐輕烟飛薄命不如紅淚點
鑒然留得在君衣君去迢迢昌國衛縮地長房更分袂
鳳簫聲咽秦樓傾一慟歸來撫孤樽黃土淒涼碧草封
夜臺應唱負情儂不知與我千何事也溼青衫一兩重
邀邊雲航淪慈飲卽送其之官大梁

卷十

入

去年當此際君正捷南宮科第傳家早文章應制工
臚從金殿唱夢竟玉堂空迭聽長安信歡愁一瞬中
捧檄恩恩去中州我舊遊笙歌競梁苑燈火話樊樓擾
攘今何似繁華定不侔監門人在否懷古涕應流
親舍遠千里馳驅定省來高軒因我過荒徑爲君開薄
宦踪難合殘宵漏莫催茫茫留後約珍重濟時才司馬
仲恩觀察現知甯波府事

病中雜感兼懷梅鷟臣 振宗

屈指全家藥遍嘗八月間寓中大小恰留一我作收場
上下無不病者

拈

鯨

怯寒翻笑秋無賴驚夢生憐夜未央繞徑葉聲風瑣碎
滿窗竹影月淒涼靜思十四年來事雪鍊冰磨盡可傷
予於庚申歲始入宦途
萍蹤偶此滯明州歲月催人易白頭薄宦生涯聊養拙
騷人心事慣悲秋已拌割席辭三雅未擬揮毫咏四愁
幸脫餘生亂離後可憐於世更何求
目覩中興事業新通侯多半出風塵奇才何必皆名世
要路無妨且讓人矯翼從知黃鵠健會心祇覺白鷗馴
荒江可奈秋飈冷瘦絕文園病後身

卷一

九

藥鑪經卷強支持曉日披衣起坐遲螻蟻命輕狂不惜
鯨魚味苦病方知無家已冷還鄉夢有悟偏深出世思
惆悵都官剛別去待聆七發欲何時時鷟臣適赴杭州
甲戌五月童純舫撰招飲於城西之新居梅鷟
臣首唱一詩以示余且約同作甫屬草適以事
阻忽忽半年猶未能脫稿也旣而蒞舫索之因
別作一篇

童君卜宅城西隈竹石楚楚無塵埃今年五月梅雨霽
方池千柄荷花開郇厨夙戒具肴核平明速客馳輿儻

賢兄適自始甯至入門握手驚于戀謂令兄都官工詩

謂君升陽畫謂周君鯁生能事惟持盃斑駁陸郎來

謂陸君健甫飢腸累客鳴如雷合坐剛符竹溪逸各豁

胸臆無嫌猜縱橫毋陣逞豪氣經營腹稿奇才梅君

首以一詩唱九天咳唾飄瓊瑰邯鄲學步不自量驪壇

哀翼相追陪苦吟未竟遽擱筆敗興宛若催租催自夏

徂冬歷時久負債欲避愁無臺主人顧我索之急心怯

珠玉終徘徊昨宵被酒興忽發捐棄舊作翻新裁如墨

已傾拾殘潘如香已燼燃餘灰粗枝大葉良可醜況有

卷一

十

鄒子難爲枚願君爲藏魏公拙更致一語君其哈破費

精神作何補蓂苓不及蒲萄醅池南小屋地鑪煖向陽

當已舒寒梅何時更一命儔侶同看香雪傾尊疊

鷺臣以詠寓齋花木詩見示次韻奉答

我嗜與君同佳卉羅不少手自修治之眠遲復起早高

潔若梅花幽靜若蘭草類殊品各分按譜悉搜討未覺

歲華流但愛顏色好泥乾汲水澆葉落攜帚掃小盆養

金魚生趣溢萍藻中峙石玲瓏匠劖亦頗巧顧之舉一

觴欣然欲忘老因念斯世人廿苦異芹蓼似聞玉關西

憂

下戈猶假擾又聞燕齊間雨澤久已杳睽彼將相臣憂

時坐枯槁
五十初度口占

春鵲秋蟬遞相催荏苒流光去不回廿載讀書成底事

一行作吏本非才飢寒倖免他休問離亂曾經志易灰

屈指百年剛及半繁霜已上鬢邊來

當年擗檄向明州那料星終尙此留看劍未除豪士氣

摩挲猶憶故園秋無多兒女偏爲累儘有神仙不耐求

且擬添栽花百本舉觴一笑當添籌庭下盆花一百餘皆手植也

卷一

二

將去明州留別諸同人

十載琴書滯海濱者番欲去轉逡巡早知疾病難爲客

無奈飢寒尙累人遠志已甘呼小草故車應遣作勞薪

浮雲變幻尋常事且爲春風惜此身

舊交幾輩託心知雲散風流此一時避暑尙思河朔飲

已巳歲餘並純飭陳魚門馬玉衡劉子謙姚子探幽曾和

季眉龔梓材未厚齋爲清夏之會飲輒達旦探幽曾和

輞川詩純飭構新居於城西亭池竹石曲折幽邃前歲

以驪駒不分歌相續年來玉函諸君悉已去當純飭報驪駒不分歌相續應酬諸魚門來屢赴滬上鴻

爪生憐去獨遲回首四明山色好青青長是繫人思

判牘從容敢自矜，幹才祇覺百無能。初心豈但求溫飽，眾口何妨聽愛憎。旅況本來巢幕燕，前程從此脫羈鷹。當年祖帳依依處，海曙樓高更一憑。戊辰秋予將赴省樓大會賓客既子奉檄留甯波今始取別

鳳泊鸞飄不自由，西風蕭瑟驛亭秋。乍來捧檄成前夢，予於癸亥春以署鄧丞事始來甯。此去乘槎亦壯遊，擬附輪舟北上對鏡渾忘蒲柳悴。拂衣容作稻粱謀，黃花晚節心期在他日相逢更唱酬。

夜泊西興

卷一

主

東風吹我去，明州直到西興古。渡頭亂後湖山迷，舊蹟望中雲樹入。新秋一千里路縈鄉思，五十年華誤宦遊。自笑阮囊羞澀甚，未能浮泛作閒鷗。

丁丑二月北行口占

鷗鵬且暫息，扶搖橐筆先教賦。早朝卅載未嘗行役味，一聲風笛最魂消。

落拓名場愧不才，飢鴛腐鼠任相猜。此行一吐英雄氣，破浪乘風萬里來。

中江風月冠吳都，嗜好儂偏與俗殊。別有一般惆悵在，

治春時節去西湖

鳳城兩月寄吟身，榴火明時好返輪。紫氣燭天牛斗避，待看千莫出風塵。

有感

莫怪孫陽眼倦開，風塵畢竟少龍媒。試看驚馬鹽車下，一樣長鳴得意來。

宿河西務和壁間韻

芳樹煙痕歛，遙山黛色皺。驅車來此地，剪燭憶同人。客路風霜苦，識疆景物新。勞勞殊未已，何日乞閑身。

卷一

三

河西務早發

殘夜催車發，和霜度板橋。樹遮燈影暗，風送鐸聲遙。歧徑昏難辨，寒威曙未銷。求名原失計，容易負良宵。

秋花雜咏

葉爲鳳尾舒，莖作龍鬚矯。丹英媚孤松，山阿夕陽悄。葛蘿風露黯牆陰，幽姿益增媚。今日斷腸花，當年思婦淚。海棠景陽樓下井，秋芳裊其側。采采懷美人，貽之好顏色。燕支忽忽西風起，漫天作絮飛。斷絃甘不續，生恐作兒衣。蘆花葉浣波痕綠，花分草色青。永夜長相望，天邊織女星。牛牽

也呼抹麗名一笑渾不似衣白更衣黃人但憐阿紫菜

分得陶家種居然並晚芳大千秋世界何處不遊方鞋

涼月竹棚秋三更露如水離離花影垂蟋蟀鳴未已豆

生長秋江上容華自可憐長紅還小白一見一回鮮芙蓉

綠陰滿窗紗美人來不速相伴更相憐一雙紅蝙蝠美人蕉

汀洲淡無容留得餘芳在盪漿誰家娃誤作菱花采蘋

卷一

古

畫出蕭疏態漁汀夕照留忘機漚鳥在冷伴一枝秋夢

鷓鴣田秀歌

白雲夜就西湖宿南屏一犁春雨馥山人愛聽九皋鳴
瑤草和烟耕未熟翀霄雙翅垂瓠縱仙禽毋乃臣朔飢
杞泉給諫亦好事芝田三畝欣相貽衍波箋走龍蛇字
產不千金代爲置珍藏莫作馮驩焚歲歲年年稻梁飼
秋風有客驚催租道場山前月影孤試問乘軒舊采邑
桑海猶存右契無

丁丑歲蝗不爲災誌幸

江南古揚州其穀本宜稻民以食爲天所慮惟旱澇今
年暘雨時嘉禾旣方早不圖四五月蝗蝻忽滋擾飛空
蔽關河集地盈城堡驅之詎能去捕之不見少鄉人各
驚惶日夕憂心禱此爲田祖祈彼向社公禱眼看田中
苗岌岌勢難保之蟲竟何知乃獨歷芹蓼無何遘風雨
遂爾蹤跡杳西成慶豐登轉比往年好是惟吾 后德
至誠格 蒼昊因之我有感爰謂鄉父老爾茲歲有秋
驪然際熙皞不聞晉豫間赤地嗟枯槁閭閻半死亡鬻
賣及穰穰大吏上書言痼瘕 帝在抱發粟更輦金庶

卷一

主

幾沐再造試爲易地觀性命已腐草又聞沈督部手自
具疏稿謂除蝗與蝻收子尤要道去惡莫如盡價買須
及早苟能搜采勤自必根株掃爾勿憚胼胝爾勿惜蓬
葆力田乃逢年稼穡實惟寶兩江沈幼丹制軍近上收買蝻子一疏

秋香

滿林商意覺蕭然何處幽芳忽暗傳撲鼻迥非蘭麝品
會心何但木犀禪十分涼沁風懷爽一縷清分露氣鮮
且莫興悲同宋玉氤氳留結靜中緣

秋色

溪山勝處好憑欄，許隲清華興未闌。籬菊佳含宵雨潤，
井梧老逼暮煙寒。十分絢爛看無盡，一片蕭疎畫亦難。
更上慈恩高塔望，西來風景滿長安。

秋影

洞庭木葉下西風，別有神傳恍惚中。四照欲迷蓉鏡幻，
一層應訝菊屏空。白生虛室看難辨，紅入斜陽繪未工。
最愛澄江如練淨，雁飛何事太恩慙。

秋聲

瑟瑟蕭蕭聽亦驚，清商都作不平鳴。一燈孤館風初起，
萬木空山月正明。刻意催人年欲老，幾番攪客夢難成。

卷一

七

讀書卻笑歐陽子，千古偏留作賦名。

題嵇康絕交書後

言言肝鬲吐無餘，畢竟狂奴態未除。貧賤自無人過問，
絕交何必更貽書。

南屏山謁張忠烈公墓

生不能輔中興爲，唐李郭復不能佐偏安。如宋劉岳天，
心已去挽不回。四顧茫茫足安託，跳身海上十九年。始
譚家洲終南田，孱王走死驕帥畔。臣力旣竭心彌堅，身

可殺不可辱。土窟囚柴市，僇生前狀不識眞。卿葬後名，
猶託張祿勝朝殉。殉難不乏人，如公抗節尤艱辛。表彰何
幸際，聖代忠烈兩字垂。千春西子湖濱，荔峰麓鬱鬱
佳城禁樵牧。幕賓侍者左右依，曰劉子木楊冠玉。我昔
寓四明，訪公之里。燕已平，我今遊南屏。拜公之墓，涕先
零。嗚呼公一孝廉耳，成仁取義乃如此。求諸當日誰與
比。桂林瞿南都史。

石畫

誰抉雲根秀如將，粉本披神情都逼肖。肌理抑何奇自

卷一

七

得精華，蘊何勞采色。施閒窺英德，本學步信堪唾。

鐵畫

妙繪由良冶，居然奪化工。金銀三品外，筆墨一鑪中。竟
得鉤摹意，憑收鍛鍊功。小圓懷往事，惆悵壁燈空。
子家
壁燈有以鐵畫
飾之者凡四盞

繡畫

五色相輝映，丹青出繡牀。難尋針線迹，恰稱綺羅香。妙
手追雙管，靈心擬七襄。伊誰珍絕技，祇許看兜央。

烙畫

曹陸空揮灑，疇能策火攻。香留紅燄活，筆抵白描工。意得吹噓外，神傳刻畫中。小池存水繪，應是匠心同。

題江秋珊順詒襲算圖

蕭然夜對一燈紅，富貴都來幻想中。自是人情何必諱，鯁生心恰與君同。

海闊天空意境殊，頓忘長物祇區區。偶然昨夜輕伸脚，笑煞朝來甕亦無。

又題秋珊敬亭山頂放歌圖

皖南勝境推宣城，奇峰四面芙蓉擎。就中敬亭獨傳播，

卷一

五

身雖未至心嘗傾。一夜山靈忽見詔，云從何處來狂生。逕造巔頂發浩唱，白雲欲裂天爲驚。將肩岫幌請回駕，兩耳免聒轟雷聲。我謂山靈勿孟浪，爾知狂生何姓名。秋珊先生旌陽籍，醴陵花管超羣英。耽吟酷如李供奉，慣攜謝句青山行。爾得一顧足光寵，是豈宜拒惟宜迎。山靈唯唯倏而去，我亦推枕指雙睛。癡人由來善說夢，急向江子輸前情。自後裹糧躡游屐，慎毋亂作洪鐘鳴。萬一遭逢不解事，下逐客令顏其頰。此時幸藉排解力，居然芥蒂歸渝平。一笑詢君何以報，春醪五斗猶嫌輕。

會當乞取濟勝具，唱酬同結驕壇盟。

九里洲梅花歌用吳蘭雪原韻

我生於世無所求，惟求勝地作勝遊。苟值奇葩與佳樹，便是起居飲食處。桐廬山水名浙中，田種梅花如務農。連塍幸免遭兵燹，計畝無煩算釜鍾。霜雪橫飛苞萼坼，千株萬株成一白。花光熠耀誤留黎，花氣氤氳異安息。九里洲圍四面山，山容窈窕出花間。衝寒有客騎驢去，索笑何人載鶴還。新聲妙倚江城子，唱入蒼茫烟靄裏。暗香疏影儘流連，口未銜杯心醉矣。似此邨墟似此花，萍蹤願就花爲家。不用登山頻着屐，不須涉水遠乘槎。芳信恩恩時易失，韶華過眼難重覓。庾嶺尋春負夙懷，羅浮同夢期他日。蕭然紙帳歲將更，鄉思吟情兩合并。鄧尉山前銅井路，青鞋來往足平生。

疊前韻

蓬瀛方丈遠莫求，挂帆近作錢江遊。桐廬城外見梅樹，尋香直到花深處。居人花在梅花中，種花勝於圖與農。終年勤動足自給，歲饑無煩餽一鍾。笑指南枝苞乍坼，張眸已覺離離白。春信日催花日繁，接畛交畦開不息。

六

卷一

五

瓊華詩集卷二

吳縣俞廷瑛後甫

春秋列國宮詞

一灣綠水兩岸山山迴水抱花中間雲烟萬頃自盤鬱
風月四時相往還我攜小蠻招鶴子小蠻酒榼名怡然見香山詩註
獨酌花陰裏酒酣欲作梅花歌歌未成章斲作矣梅花
伴我我伴花我與梅花成一家知已得此亦奚憾封侯
肯羨張騫槎叵耐雞蟲爭得失老大猶將稻梁覓姑留
一語慰梅花有田不歸如此日昨宵欹枕聆寒更啁啾
翠羽聲相并我憶梅花殊不釋不知花可憶鰥生

玉茗花

琪花瑤草總尋常別擅瓊姿壓眾芳落日平臺留俊賞

卷一

三

春風曉鏡助新粧用疑雨集詩意種分寶相難爲品夢入臨川
舊有堂蔣心餘先生著傳奇也供養祇宜梅作伴愛他一
樣耐冰霜

夢

卷二

二

舞雩新樂奏雲和導從宮車取次過牆內花多牆外笑
揮鞭無奈圍人何
別館新開汶水東香車小隊駐春風後宮齊唱南山曲
不在臺萊頌禱中

驪戎二女恰齊肩阿姊何緣寵愛偏夜半深宮歌舞歇
有人掩袂泣君前

攜手河梁淚滿巾難拚二十五回春可知永巷淒涼夜
尙有終身未嫁人

青山曲抱杞城迴版築登登阿監催忽聽鸞鈴齊俯首
夫人親賜午餐來

小院春歸燕子飛寡人相送最依依如何一樣房中曲
不賦關雎賦綠衣

胡帝胡天世莫儔鵲飛如報渡河秋誰憐別院衣如雪
掩淚燈前矢柏舟

玉輦經過小市頻隔帷花廳一枝春兒家也擬稱私淑

環

環佩璆然拜聖人

薰風初見芰荷開打漿池塘日幾回明識君王心膽怯

笑舒玉腕弄船來

雲雨高唐豈夢中年年無語向東風三千宮女如花貌

不及天桃一樹紅

方城月落事酸辛銅輦秋衾夢不真宮側忽然喧萬舞

關心祇有未亡人

春風羅帳夢初回忽報羊車入院來手賜並頭蘭一朵

謝恩先進合歡盃

卷二

二

鶴市香埋絕可憐豈知金盃出重泉傷心最是君于后

愛女重逢竟化煙

採香人倦酒微醒銷夏灣前鳳舸停聽說青娥傳令旨

明朝同幸錦帆涇

雪霜寒不到瓊臺公主笄年下嫁纔佳婿風流人共羨

玉簫聲裏鳳凰來

倉皇兵火夜三更誰負君王小妹行他日香衾同夢穩

想提前事尙心驚

憶梅

又是同雲釀雪時寒苞欲坼尙遲遲遊蹤寥落青山在
夢影迷離翠羽知驛使歸來應有信美人別去最相思
何當策蹇清溪畔領略春風第一枝

尋梅

杖藜閒步趁蕭辰鐵腳將無笑道人仙鶴從容如識路
蒼虬隱約慣迷津暗香疏影知何處流水空山別有春
覓得繁花親供養膽瓶長伴歲寒身

賞梅

一庭晴雪報花開不負年前著意栽綈袂相逢閒倚遂

卷二

三

隱囊小坐喜銜杯傳神合仿蕭洲本覓句終慚水部才
夜起巡檐還索笑凌風擬上最高臺

惜梅

風雨羅浮憶夢中生憐香影一時空金鈴但願春無恙
玉笛還愁曲易終東閣吟情猶款款西湖遊興莫怱怱
和羹事業而今始爲問羣芳孰與同

霧淞

雨雪著樹嚴寒鬱之久而不燥凝結
成顆似珠似沫黏連一片日霧淞

是冰是雪兩朦朧并入嚴寒一氣中著樹密凝珠顆小
黏枝遙認玉光融凍肌生粟應相似老眼看花覺不同

喜聽閭閻儲飯食可知佳兆叶年豐

報國寺古銀杏樹歌

一株銀杏撐青空梵刹不驚烽火紅五百尺高十圍大
枝柯拏攫看猶龍真龍聞之下與鬪急雨橫飛風怒吼
霹靂聲中一爪摧開花結實還依舊去夏雷雨劈去一枝

雪湖歌

渺渺煙波漾微綠北風夜折虛窗竹鶴毛作勢舞繽紛
側出橫飛眩雙目山翠空濛黯欲收恍從閨苑見瓊樓
二分碧月寒相照一片銀雲淡不流琉璃世界看難得

卷二

四

西子今朝淡粧飾嶺梅三百一時花似與鉛華鬪顏色
蒼茫玉戲畫圖中載酒何人泛短篷笑向湖心亭上望
人間此是水晶宮

一品鍋

洞天留石交暇日歌洞酌高張玳筵滿泛鸕鷀杓割
鮮命良庖薌脯出鉅鑊供乃刀匕俱盛之筐筥若光耀
金叵羅品逾銀鑿落其形圓以閎厥量寬兮綽舉異盃
齊眉用殊錯折腳四時調滑甘一器備珍錯或有如鴨
臠或有如雞臠或有如臠胖或有如脾臠水火功相資

醯醢味不薄五侯膳合鯖萬錢俸分鵝羞豈藉櫻桃和

惟需芍藥無煩梁雉拱奚須池鱸所晏想午莊陳製自
辛盤拓大烹同養賢旅酬甯序霽進匙豔紅綃列鼎崇
黃閣拂鬢笑沾濡炙手畏熏灼覆餗且勿憂伴食斯堪
作變理屬平章陶鎔規制作正位中央宜榮名令公託
獨坐尊莫尊老饕樂復樂怡稱都堂餐絕勝屠門嚼頭
銜光祿夸腹負將軍諶郇厨未足多崔單尙嫌略越俎
謀空勞輶釜聞應愕愧我生菰蘆處世屢藜藿值此饌
初登欣然箸先攫何必羨駝羹庶幾敵羊酪飽啖開心

卷二

五

胸餘芬溢銀鬕

十二月十七日招二屏鳳藻江秋珊錢子奇國珍

汪詠之昌小飲寓齋成卽事一首

緹室早報霞飛灰膝六未放陽春回自上月十八日冬至後兩雪連綿至今未已

樂事輒生何幸容追陪今朝忝作東道主前期掃徑除

蒿萊村庖安能備珍錯家具聊復搜尊疊相邀擬仿八

仙飲不速偏少三人來宗載之鄧雲泉楊也村均以疾辭不至吟箋堆案

次第攀峰青江上宜爲魁橫空硬語力排異居然餘刃

遊恢恢文通筆花擅五色梁園角逐鄒偕枚鳳凰九苞
振奇采水雲一曲翻新裁琳瑯滿目歎觀止手書口誦
心低徊譬若諸侯迭雄長齊秦晉楚交相推蒙也等之
鄧以下號寒祇覺蟲堪哀悔不竟藏魏公拙徒糜魚網
磨松煤北風穿窗氣凜冽圍爐檮呼童煨身御重裘
尙瑟縮且拋筆硯同持杯儀文脫略酬酢簡談鋒四起
轟如雷初爲拇戰繼射覆明瓊一擲人環猜風塵自憐
俗吏俗糾觴偏笑官無才忽聞高歌發郢唱還聽鄉語
操蘇臺酣嬉淋漓莫可詰盡醉那惜傾香醅但惜近年

卷二

六

量衰退蒼顏容易其中賴朦朧勸客勿遽去林端巨耐
歸鴉催出門踏雪訂後約人日共訪孤山梅

補林和靖放鶴招鶴歌

有序

昔東坡在彭城爲雲龍山人作放鶴亭記末系
以歌至今熟於人口而孤山處士之廬無聞焉
是不可以不補爰爲之歌曰

鶴飛去兮南屏之南啄青松兮躡煙嵐飲則有九溪兮
浴有三潭彼其稻粱兮慎勿貪曳縞衣以遐舉兮謝弋
人之耽耽

貞

鶴歸來兮孤山之巔蕭然一室兮容汝踞蹠梅花開兮
夜不眠依主人以爲子兮餐煙霞而俱仙歸來歸來兮
無流連

謝貞女詩

比翼鳥不獨生連理枝不獨死負氣含生類如此若貞
女者堪舉似一貞女謝姓安康居幼習庭訓嫻詩書許
字羅家郎未駕親迎車羅郎一旦病且殂貞女聞訃傷
何如解言辭父母側來詣舅姑前麻衣撫郎棺慟哭呼
蒼天白虹一道袖中出願攜郎手同歸泉幸哉救之得

卷一

七

無恙一時姻戚族黨莫不嗟其賢貞女已無夫夫兄
猶有子下以續宗祧上以侍甘旨女身霜中筠女心井
中水霜寒節益堅井深波不起貞女之貞之死靡他
學士大夫競爲詩歌傳之千秋萬載永不磨古來城有
杞筭有摩以方貞女未足多君不見一丸婺女星光輝
夜夜明嵐河

解五

卽事

地癖塵難到天寒酒共斟飛鴻今日爪歸鶴故園心良
會易陳述長歌空好音夕陽人散復殘雪滿疏林

後 僻